




### Recycling awareness pupuk budaya kitar semula



**SERDANG, 27 Mac** – Dalam usaha Universiti Putra Malaysia (UPM) memastikan budaya kitar semula untuk kehijauan kampus, Jabatan Biologi, Fakulti Sains dengan kerjasama Coca-Cola Malaysia telah menganjurkan program Recycling Awareness Week.

Ketua Jabatan Biologi Fakulti Sains, Prof. Dr. Ahmad Ismail berkata aktiviti itu dapat memberi inspirasi kepada warga kampus terutamanya pelajar UPM menjana pendapatan dan melestarikan kehijauan kampus.



“Warga kampus terutamanya pelajar UPM boleh menjana pendapatan melalui aktiviti kelab dengan menjual hasil kutipan botol minuman kosong yang boleh dikitar semula,” katanya.

Penolong Pegawai Sains UPM, Razak Harun berkata kempen seperti itu perlu dilaksanakan

dengan kerap untuk memupuk semangat kitar semula bahan buangan dalam kalangan warga UPM.

"Secara tidak langsung, mesej memupuk semangat kitar semula bahan buangan dapat disampaikan," katanya semasa menebus lebih 20 botol minuman kosong kitar semula.



Pelajar semester dua Bachelor Sains Pertanian, Afiqah Bakri berkata kempen itu melatih pelajar meningkatkan kemahiran insaniah semasa mencari dan mengumpul botol minuman kosong yang boleh dikitar semula.

"Aktiviti ini perlu dikempenkan dengan mempelbagaikan barang buangan lain yang boleh ditebus," katanya.

Program yang dijalankan dari 26 hingga 30 Mac melibatkan staf dan pelajar UPM itu bertujuan untuk membudayakan amalan kitar semula di dalam kampus.



Aktiviti itu menjadi lebih menarik di mana warga kampus akan menerima satu botol minuman Coca-Cola 500ml dengan setiap lima botol minuman kosong yang boleh dikitar semula, satu beg jenama Coca-Cola dengan setiap 10 botol minuman kosong serta satu t-shirt Coca-Cola dengan setiap 20 botol minuman kosong.

Warga kampus dialu-alukan untuk membawa botol minuman kosong yang boleh dikitar semula dan boleh menebus barang diantara jam sepuluh pagi hingga empat petang dengan menunjukkan kad staf atau kad pelajar UPM.



Berita ini disediakan oleh Pejabat Pemasaran dan Komunikasi (MarComm) Syifarida  
Muhamad Zaki 03-89466154 / Foto oleh Mohd Azreen Awang 03-89466199

---

Hak Cipta Terpelihara 2007  
Universiti Putra Malaysia